

Тоомсрта

ХӨӨЧ

Батис Казбекович Тажбаев 1955 джилд Каспийск района „Оленичевск“ совхозд хөөч болдж орла. Тер өдрәсн авн даалгъвран үзмджтәгъәр кү-цәв.

Джиләс джил күртл, хө орулдг кошаран цеврәр бәрдж, кевтринь өдр болгън хуу-рәлдж, цаглань өвс-усинь өгч, гаргън-цадхлнъгар бәрдж дее-рән, нег чигн гару угагъар хөөнә төл сәәнәр бәрдж төлә-дән Цуг союзин селәнә эдл-ахун гәәхүлд хойр дакдж ил-гәгдв.

1956 джилд үвләс хөөгъән гаргънар, нег чигн гару уга-гъар, 100 хөөнәс 120-125 хургъ авсндан эн хөөч Цуг союзин селәнә эдл-ахун гәәхмджин „Бички алти медаляр“ ачлгдв, „Родина“ гидг радиоприемни-кар белг авб.

Эн джил Батис Казбекович эрт хургълджах отар хөөнә ах хөөч болдж бәәнә. Залутагъан хамдан түүнә гергн Роста Таж-баева бас кәдлджәнә.

Экләд хургълджах хөд сәә-нәр төлән өгчәцхәнә. Ода дее-рән хургълсн 100 хөөнәс 120 хургъ менд авчацхана.

Кошар дулалад белдчксн, хөөдт уснь өөрхн, девскүр кех солом болн хургълсн хөд идх өвсн белдчксн бәәнә. Хөөнд кәдлдж улс сарул, ик, у герт бәәцхәнә.

Кәдлмшән чиләчкәд Батис Казбекович өрк-бүләрн радио сонъгсад, танъгъчин болн орн-нутгин зәнъг, ду-би болн музык сонъсдж, амрцхана.